

**Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allangortinneqarnissaa pillugu Inatsisartut inatsisaat**  
(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

**Saqqummiussissut**

**Siullermeerinnineq**

Naalakkersuisut sinnerlugit kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata, aamma missingersuutinut inatsimmik taaneqartartup, allangortinneqarnissaa pillugu Inatsisartut inatsisaannut siunnersuut saqqummiuppara.

Missingersuutit naatsorsuutillu pillugit inatsit pisortat ingerlatsiviannik aqutsinermi taassumalu ineriartornerani annertuumik pingaaruteqarpoq. Taamaamat inatsit siunertaq malillugu atuuteqqullugu ingerlaavartumik naleqqussarnissaa pisariaqarpoq. Inatsisissatut siunnersuut una teknikimut tunngassuteqartuuvoq, annertuumik allannguissamik siunertaqarfigneqanngitsoq, siunnersuutikkulli inatsisip atuuttup ilaani naapertuutinningsut peerneqarnissaat siunnerfiuvoq.

Missingersuutit inissisimanerannik taaneqartup naatsorsornerani malittarisassanut allannguutit minnerusut arlallit siunnersuutigineqarput. Kommunip namminersorlutilluunniit oqartussat missingersuutaanni missingersuutit ataatsimut inissisimanerat ukiut sisamat ingerlaneranni oqimaaqatigiillunuunniit sinneqartoofiusussaavoq. Taamattaq pisortat aningaasartuutaasa qanoq annertutigisumik qaffariarsinnaanerani killilerneqarpoq.

Naak taarsigassarsiat naatsorsuinermit ilaanginnissaat akuerineqareeraluartoq, taarsigassarsiat utertillugit akilerneqarneranni aningaasartuutit missingersuutit inissisimanerannik naatsorsuinermit ilanngunneqassanersoq apeqqutinut ilaavoq. Taarsigassarsianut taamaattunut akiliutit missingersuutit inissisimanerannik naatsorsuinermit ilanngunneqartannginnissaat pissusissamisoortumik akissutissaavoq. Nalornissutaasinnaasulli suulluunniit pinaveersimatikkumallugit inatsisip oqaasertaasa erseqqissaavigneqarnissaat siunnersuutigineqarpoq.

Inuinaat, suliffeqarfiit, aningaasaateqarfik, naalagaaffiit akunnerani suliniaqatigiiffiit il.il. kommuninut namminersorlutilluunniit oqartussanut tunissummik tapiissummik assigisaanilluunniit, pisinermit atugassatut, sanaartornissamut suliassamulluunniit allamut atugassatut tunissuteqarnissamik kissaateqartarnerat pisinnaasarpoq. Tamanna soorunami qujaruttorujussuarput.

Malittarisassat maanna atuuttut malillugit tapiissutit taakku aqutigalugit aningaasartuutit, aningaasartuutillu tapiissutit avataatigut aningaasartuutigisavut missingersuutit inissisimanerannik naatsorsuinermit sunniissapput. Tamanna naapertuutinnigilaq, pissutsillu ajornerpaaneranni annertuumik missingersuutit ajornakusoortitsisinnaalluni. Taamaamat allanit tunissutit, tapiissutit il.il missingersuutit inissisimanerannik naatsorsuinermit ilanngueqartanniginnissaat siunniunneqarpoq. Tamanna aamma aningaasartuutit tunissutit tapiissutitullu tiguneqartunit matussuserneqartunut atuuppoq.

Ingerlatsinermit taamaariarluni oqaasertaliussat aningaasaliissutinik aqutsinermit tapertaangitsut akuersissutigineqartarput. Taamaamat aalajangersakkat maanna atuuttut sakkukilliallanneqarnissaat siunnersuutigineqarpoq, taamaalilluni malittarisassat immikkoortumi ukiorpassuarni peruserineqartumut naapertuuttunnngortinneqarlutik.

Inatsimmi § 18, imm. 4-mi malittarisassat piffissap ingerlanerani nunatta karsiata uninngasuutaasa annikilliarernerannik nassataqarsinnaapput, ukiumimi naatsorsuusiorfimmi sinneqartoorutit tamatigut Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmut nuunneqartartussaammata, amigartoorutillu nunatta karsianit namminermik nammanneqartartussaallutik. Tamanna naapertuutinnigitsumik aningaasanik aqutsineruvoq, sinneqartoorutit ukiunut aningaasanut inatsiseqarfiusunut kingusinnerusunut nuunneqarnerisigut iliuseqarfigineqarsinnaallunilu, ukiuni aningaasaateqarfimmut nuussinissap tungaanut amigartoorutit ilanngaatigineqarsinnaanerannut periarfissiivoq.

Kommuninut minnerunngitsumik sanaartornermit suliassat amerlanerusut annertunerusullu nuunneqarnerannut peqatigitillugu, pilersaarusiorduarnunissaq pisariaqartinneqarpoq. Kommunit aningaasaqarnermit aqutsinerminnut ungasinnerusumullu isigisumik pilersaarusiorminnut tungavissatut immikkoortunut pilersaarutinik suliaqartarnissaat periusissaalluarpoq. Taamaamat Naalakkersuisut immikkoortunut pilersaarutinut nalunaarummik, kommuninik ilaatitsisumik suliaqarnissaannik piginnaatinneqarnissaat siunniunneqarpoq. Nalunaarutip taamaattup atulersinneqanniginnerani soorunami kommuninik sukumiisumik oqaloqatigiissutigineqassaaq.

Ullumikkut qaqugukkut kommunalbestyrelsit ukiumoortumik naatsorsuutinik akuersisarnissaannut killiliisoqannigilaq, tamannalu nalorninermik nassataqarpoq. Taamaamat qaqugukkut kommunalbestyrelsit kingusinnerpaamik naatsorsuutiminnik akuersisimanissaannut killiliussamik atulersitsisoqarnissaa siunnersuutigineqarpoq.

Inatsisissatut siunnersuut taassumalu nassuiaatai naggasiullugu innersuusutigaaqka.

Taama oqaaseqarlunga Naalakkersuisut sinnerlugit siunnersuut Inatsisartunut suliarineqartussannngortippara.